



رئاسة الشؤون الدينية  
بالمسجد الحرام والمسجد النبوي

# მოკლე გზამკვლევი შუამავლის მეჩეთის მონახულების წესები და მისი დადგენილებები

ქართული

جورجي

المُختَصَرُ في آدابِ زِيَارَةِ الْمَسْجِدِ النَّبَوِيِّ وَأَحْكَامِهَا



ისლამური კონტენტის სხვადასხვა  
ენაზე გავრცელების ასოციაციის  
სამეცნიერო კომიტეტი

المُخْتَصَرُ

فِي آدَابِ زِيَارَةِ الْمَسْجِدِ النَّبَوِيِّ وَأَحْكَامِهَا

მოკლე გზამკვლევი

შუამავლის მეჩეთის

მონახულების წესები და მისი

დადგენილებები

اللَّجْنَةُ الْعِلْمِيَّةُ

بِرئاسة الشُّؤْنِ الدِّيْنِيَّةِ بِالْمَسْجِدِ الْحَرَامِ وَالْمَسْجِدِ النَّبَوِيِّ

ისლამური კონტენტის სხვადასხვა ენაზე

გავრცელების ასოციაციის სამეცნიერო

კომიტეტი

ქება-დიდება ალლაჰს, სამყაროთა ღმერთს, ლოცვა და მშვიდობა ჩვენ შუამავალს, მის ოჯახს და ყველა მის მეგობარს.

ამის შემდეგ:

ეს არის მოკლე ნაშრომი შუამავლის მეჩეთის მონახულების წესებზე და მის დადგენილებებზე, შევეცადეთ მასში განგვემარტა მომნახულებლისთვის ის ძირითადი წესები, რაც მას სჭირდება შუამავლის მეჩეთის მონახულების დროს.

ალლაჰს ვთხოვთ, რომ ეს ნაშრომი დაადგინოს წრფელად მისი კმაყოფილებისთვის, და რომ სასარგებლო გახადოს ზოგადად ყველა მუსლიმისთვის.

ისლამური კონტენტის სხვადასხვა ენაზე გავრცელების ასოციაციის სამეცნიერო კომიტეტი

## მოკლე გზამკვლევი

### შუამავლის მეჩეთის მონახულების წესები და მისი დადგენილებები

შუამავლის (ალლაჰის ლოცვა და მშვიდობა მას) მეჩეთის მონახულება წარმოადგენს სუნნას (სასურველია), მას არ გააჩნია კონკრეტული დადგენილი დრო, ის არ შედის ჰაჯობის საქმეებში, არ არიან ჰაჯები ვალდებულნი - კაცები ან ქალები - მონახულონ ალლაჰის შუამავლის (ალლაჰის ლოცვა და მშვიდობა მას) საფლავი და არც ბაყი'ას სასაფლაო.

არ შეიძლება ექსკურსიების და მგზავრობების მოწყობა შუამავლის (ალლაჰის ლოცვა და მშვიდობა მას) სასაფლაოს მონახულების მიზნით, რადგან მგზავრობა ღვთისმსახურების მიზნით არ შეიძლება შესრულდეს საფლავის მონახულებისთვის, არამედ, მხოლოდ სამი მეჩეთის მონახულების მიზნითაა დასაშვები გამგზავრება, შუამავალმა (ალლაჰის ლოცვა და მშვიდობა მას) თქვა:

«لَا تُشَدُّوا الرِّحَالَ إِلَّا إِلَى ثَلَاثَةِ مَسَاجِدَ: مَسْجِدِي هَذَا، وَالْمَسْجِدِ

«არ იმოგზაუროთ გარდა სამი მეჩეთის მოსანახულებლად: ამ მეჩეთის (შუამავლის მეჩეთის), ნაკრძალი მეჩეთის (მასჯიდი ჰარამი) და ალ-აყსას მეჩეთის». გადმოსცა ალ-ბუხარიმ (1189) და მუსლიმმა (827), აქ მოცემულია მისლიმის ვერსია. ამგვარად, ქალაქ მედინიდან შორს მცხოვრებს არ აქვს უფლება იმოგზაუროს საფლავის მონახულების მიზნით, თუმცა მას შეუძლია იმოგზაუროს ძვირფასი შუამავლის მეჩეთის მონახულების განზრახვით, როცა მოინახულებს მეჩეთს, ასევე მოინახულებს შუამავლის (აღლაჰის ლოცვა და მშვიდობა მას) და მისი საკაბების სასაფლაოებს და შუამავლის მეჩეთის მონახულებაში მისი სასაფლაოს მონახულებაც შედის (აღლაჰმა დალოცოს და მიესალმოს მას).

ქალებისთვის დაუშვებელია მოციქულის (აღლაჰის ლოცვა და მშვიდობა მას) საფლავის, ისევე როგორც სხვა საფლავების მონახულება, რადგან მოციქული (აღლაჰის ლოცვა და მშვიდობა მას) წყევლიდა ქალებს, რომლებიც ხშირად აკითხავდნენ სასაფლაოებს. ამის მიზეზია ის, რომ ასეთი მონახულებები ხშირად

თან სდევს აკრძალულ ქმედებებს, როგორცაა მოთქმა, შეუფერეველი გარეგნობა და შარიათის სხვა დარღვევები. ამის ნაცვლად, ქალებისთვის სასურველია რაც შეიძლება ხშირად წარმოთქვან სალამი და დუა მოციქულისთვის (აღლაჰის ლოცვა და მშვიდობა მას) — იქნება ეს მეჩეთში თუ მის გარეთ. ეს ყველაფერი მიაღწევს მას, მიუხედავად იმისა, სად იმყოფება ქალი, რადგან მოციქულმა (აღლაჰის ლოცვა და მშვიდობა მას) თქვა:

«لَا تَجْعَلُوا بُيُوتَكُمْ قُبُورًا، وَلَا تَجْعَلُوا قُبُورِي عِيدًا، وَصَلُّوا عَلَيَّ فَإِنَّ صَلَاتَكُمْ تَبْلُغُنِي حَيْثُ كُنتُمْ».

«არ გადააქციოთ თქვენი სახლები საფლავებად და არ აქციოთ ჩემი საფლავი სადღესასწაულო ადგილად. დამლოცეთ, რადგან თქვენი დალოცვა ჩემამდე აღწევს, სადაც არ უნდა იმყოფებოდეთ». შუამავალმა (აღლაჰის ლოცვა და მშვიდობა მას) თქვა:

«إِنَّ لِلَّهِ مَلَائِكَةً سَيَّاحِينَ فِي الْأَرْضِ يُبَلِّغُونِي مِنْ أُمَّتِي السَّلَامَ».

«ჭემმარიტად, აღლაჰს ჰყავს მოსიარულე ანგელოზები მიწაზე, რომლებიც გადმომცემენ ჩემი თემის სალამს».

როცა ადამიანი შევა შუამავლის მეჩეთში სასურველია პირველი მარჯვენა ფეხით შევიდეს და შესვლის დროს წარმოთქვას: «ღმერთო, გახსენი ჩემთვის შენი წყალობის კარები» (ალლაჰუმმა ფთაჰ ლიი აბვააბა რაჰმათიქ), ასევე შეუძლია გაიმეოროს ეს ვედრება სხვა მეჩეთებში შესვლისას.

შუამავლის (ალლაჰის ლოცვა და მშვიდობა მას) მეჩეთში შესვლისას კონკრეტული ვედრება არ არსებობს.

შემდეგ შეასრულებს ორ მუხლ მისასალმებელ ლოცვას (თაჰიათულ მასჯიდ).

თუ დრო არ მიეკუთვნება იმ აკრძალულ პერიოდებს, როცა ლოცვა არ შეიძლება, ადამიანს შეუძლია ადასრულოს დამატებითი ნაფილის ლოცვები — რამდენიც სურს, ორ-ორ რაქაათად. ალლაჰის მოციქულმა (ალლაჰის ლოცვა და მშვიდობა მას) თქვა:

«صَلَاةٌ فِي مَسْجِدِي هَذَا خَيْرٌ مِنْ أَلْفِ صَلَاةٍ فِيْمَا سِوَاهُ إِلَّا الْمَسْجِدَ الْحَرَامَ».

«ლოცვა ჩემს ამ მეჩეთში უკეთესია, ვიდრე ათასი ლოცვა სხვა მეჩეთებში, გარდა აკრძალული მეჩეთისა [მექქაში]». გადმოსცა ალ-

ბუხარიმ (1190) და მუსლიმმა (1394).

სასურველია ლოცვას შეეცადოს არ'რავდაში - ეს არის შუამავლის (აღლაჰის ლოცვა და მშვიდობა მას) მიმზარსა და ოთახს შორის ადგილი - თუ შეძლებს იქ ლოცვას: შუამავალმა (აღლაჰის ლოცვა და მშვიდობა მას) თქვა:

«مَا بَيْنَ بَيْتِي وَمِنْبَرِي رَوْضَةٌ مِنْ رِيَاضِ الْجَنَّةِ».

«ჩემს სახლსა და ჩემს მინზარს შორის არის ბაღი სამოთხის ბაღებიდან». გადმოსცა ალ-ბუხარიმ (1195) და მუსლიმმა (1390). და თუ ვერ მოახერხებს იქ ლოცვას, მაშინ ილოცვებს მეჩეთის ნებისმიერ ადგილას. ეს არ ეხება ჯგუფურ ლოცვას, ჯგუფური ლოცვის დროს მან უნდა შეეცადოს გაჩერდეს პირველ მწკრივში, რომელიც იმამის უკანაა; ზოგადად გადმოცემული მტკიცებულებების მიხედვით.

თუ ადამიანი მოისურვებს, რომ მოინახულოს მოციქულის (აღლაჰის ლოცვა და მშვიდობა მას) და მისი ორი მეგობარის სასაფლაოები:

მას მართებს, რომ დადგეს მოწინებითა და მოკრძალებით მოციქულის (აღლაჰის ლოცვა და მშვიდობა მას) საფლავთან და ჩუმად მიესალმოს მას, თქვას: «ასსალამუ 'ალაიქა იაა



რასუულულლაჰ ვა რაჰმათულლაჰი ვა ბარაქათუჰ» — მშვიდობა შენ, ო ალლაჰის მოციქულო, ალლაჰის წყალობა და კურთხევა. თუ კი დაამატებს შემდეგს: «ვუმოწმებ, რომ შენ ხარ ალლაჰის ჭეშმარიტი მოციქული, რომ გადმოეცი გზავნილი, შეასრულე შენზე დაკისრებული ამანათი, ალლაჰის გზაზე იბრძოლე ისე, როგორც ეს სჭირდებოდა, გულწრფელად განაგებდი თემს. ალლაჰმა მოგაგოს შენი თემის სახელით საუკეთესო ჯილდო, რომელიც კი ოდესმე მიუცია მას რომელიმე წინასწარმეტყველისთვის თავისი თემის გამო» — ამაში არ არის არანაირი პრობლემა.

შემდეგ ცოტა მარჯვნივ გადაინაცვლებს და მიესალმება აბუ ბაჟრ ა'სიდდიყს (ალლაჰი იყოს მისით კმაყოფილი).

შემდეგ კიდევ გადაინაცვლებს ცოტა მარჯვნივ და მიესალმება უმარ იბნ ალ-ხატტაბს. იბნ უმარი (ალლაჰი იყოს მათით კმაყოფილი) როცა მიესალმებოდა ალლაჰის შუამავალს (ალლაჰის ლოცვა და მშვიდობა მას) და მის ორ

მეგობარს (აბუ ბაქრს და უმარს) ძირითადად შემდეგ სიტყვებზე მეტს არ ამბობდა: «მშვიდობა შენ, ო ალლაჰის შუამავალო, მშვიდობა შენ, ო აბუ ბაქრ, და მშვიდობა შენ, ო მამაჩემო», — შემდეგ მიდიოდა.

არ არის მიზანშეწონილი დიდხანს გაჩერება ან ვედრება ალლაჰის შუამავლის (ალლაჰის ლოცვა და მშვიდობა მას) და მისი ორი მეგობარის საფლავებთან, იმამ მალიქი ამას მოუწონარად მიიჩნევდა და თქვა: «ეს არის სიახლე, რომელიც არ გაუკეთებიათ მართმორწმუნე წინაპრებს, ამ თემის მომდევნო თაობები ვერ მიაღწევენ წარმატებას სხვაგვარად, თუ არა იმით, რითაც მიაღწიეს მისმა პირველმა თაობებმა».

რაც შეეხება იმას, რასაც ზოგიერთი მლოცველი აკეთებს — რაც მოიცავს ხმამაღლა ლაპარაკს მოციქულის (ალლაჰის ლოცვა და მშვიდობა მას) საფლავთან და დიდხანს დგომას იქ — ეს ეწინააღმდეგება შარიათის დადგენილ ნორმებს. უზენაესმა ალლაჰმა თქვა:

﴿يَا أَيُّهَا الَّذِينَ آمَنُوا لَا تَرْفَعُوا أَصْوَاتَكُمْ فَوْقَ صَوْتِ النَّبِيِّ وَلَا تَجْهَرُوا لَهُ  
 بِالْقَوْلِ كَجَهْرِ بَعْضِكُمْ لِبَعْضٍ أَن تَحْبَطَ أَعْمَالِكُمْ وَأَنتُمْ لَا تَشْعُرُونَ ﴿٢﴾  
 إِنَّ الَّذِينَ يَغُضُّونَ أَصْوَاتَهُمْ عِنْدَ رَسُولِ اللَّهِ أُولَٰئِكَ الَّذِينَ امْتَحَنَ اللَّهُ قُلُوبَهُمْ  
 لِتَلْتَفِتُوا لَهُمْ مَغْفِرَةً وَأَجْرٌ عَظِيمٌ ﴿٣﴾﴾ [الحجرات: ٢ - ٣].

{ჰეი თქვენ, რომელთაც ირწმუნეთ არ აუწიოთ ხმას შუამავლის ხმაზე მაღლა და არ მიმართოთ მას ისე, როგორც ერთმანეთს მიმართავთ, რათა ფუჰად არ იქცეს თქვენი საქმეები და ვერც გრძნობდეთ თქვენ\*}

ჰემმარიტად, რომელნიც იმდაბლებენ ხმას ალლაჰის შუამავალთან, ეგენი არიან, რომელთა გულებიც გამოსცადა ალლაჰმა ღვთისმოშიშობისთვის, მათთვისაა მიტეგება და უდიდესი ჯილდო} [ალ-ჰუჯურათ: 2-3]. ამასთან, შუამავლის (ალლაჰის ლოცვა და მშვიდობა მას) საფლავთან დიდი ხნით დგომა და მასზე ბევრჯერ მისალმება გამოიწვევს ადგილზე ხალხმრავლობას, გადატვირთულობას და ხმაურს შუამავლის საფლავთან (ალლაჰის ლოცვა და მშვიდობა მას), ეს კი ეწინააღმდეგება კანონს, რომელიც

დაადგინა ალლაჰმა მუსლიმთათვის ცხადი აიათებით, შუამავალი (ალლაჰის ლოცვა და მშვიდობა მას) არის პატივდებული ცოცხალიც და გარდაცვლილიც, და არ არის მიზანშეწონილი მორწმუნისთვის მოიქცეს მის საფლავთან ისე, რაც ეწინააღმდეგება შარიათულ ნორმებს.

ზოგიერთი მლოცველის ქმედება — ვედრების აღვლენა მოციქულის (ალლაჰის ლოცვა და მშვიდობა მას) საფლავთან, როცა მისკენ პირით დგანან და ვედრების დროს ხელებს სწევენ — ეწინააღმდეგება ალლაჰის მოციქულის (ალლაჰის ლოცვა და მშვიდობა მას) საჰაბების და მათ გზას, ვინც სიკეთეში გაჰყვა მათ. მეტიც, ეს მიეკუთვნება რელიგიაში შემოტანილ სიახლეებს (ბიდ'ა).

ზოგიერთი მომნახველი კი, როდესაც შუამავალს (ალლაჰის ლოცვა და მშვიდობა მას) ესალმება შემდეგნაირად იქცევა: მარჯვენა ხელს მარცხენაზე დაიდებს, შემდეგ ხელებს მკერდზე ან ცოტა დაბლა დაილაგებს, როგორც მლოცველის პოზიციაში, ამ ფორმით

შუამავალზე (ალლაჰის ლოცვა და მშვიდობა მას) მისაღმება დაუშვებელია; რადგან ეს არის ქედის მოხრის და ღვთისმსახურების პოზიცია, რომელიც მხოლოდ უზენაესი ალლაჰის წინაშე სრულდება, როგორც მოგვითხრო იბნ ჰაჯარმა (ალლაჰმა შეიწყალოს ის) თავის წიგნში "ფათხ ალ-ბარი", სწავლულების სიტყვებით.

დაუშვებელია ვინმემ შეეცადოს ალლაჰთან დაახლოებას (ღვთისმსახურება) მის ოთახზე შეხებით, ან მის ირგვლივ ტავაფის გაკეთებით, მიუღებელია შუამავალისგან (ალლაჰის ლოცვა და მშვიდობა მას) სირთულეების მოხსნის, ავადმყოფის განკურნების და მსგავსი რამეების თხოვნა; რადგან ამ ყველაფრის თხოვნა არ შეიძლება არავისზე, გარდა ერთადერთი ღმერთისა.

მედინაში ჩამოსულისთვის სასურველია თავისი ყოფნის განმავლობაში მოინახულოს მეჩეთი ყუბა და აღასრულოს მასში ლოცვა, რადგან მოციქული (ალლაჰის ლოცვა და მშვიდობა მას) სტუმრობდა მას როგორც მხედრად, ასევე ფეხით და ლოცულობდა მასში

ორ რაქაათს. საკლ იბნ ჰუნაიფის გადმოცემით, ალლაჰის მოციქულმა (ალლაჰის ლოცვა და მშვიდობა მას) თქვა:

«مَنْ تَطَهَّرَ فِي بَيْتِهِ ثُمَّ أَتَى مَسْجِدَ قُبَاءٍ فَصَلَّى فِيهِ صَلَاةً كَانَ لَهُ كَأَجْرِ عُمْرَةٍ.»

«ვინც საკუთარ სახლში აიღებს მცირე განბანვას, შემდეგ მივა ყუბას მეჩეთში და შეასრულებს იქ ლოცვას, ის მიიღებს უმრას ტოლ ჯილდოს».

მამაკაცებისთვის ბაყი'ის სასაფლავს მონახულება - ალ-ბაყი'ის სასაფლავო არის მედინას სასაფლავო - შაკიდების სასაფლავოების და ჰამზას სასაფლავს (ალლაჰი იყოს კმაყოფილი მისით) მონახულება სუნნაა; რადგან შუამავალი (ალლაჰის ლოცვა და მშვიდობა მას) ინახულებდა მათ და ევედრებოდა მათთვის, როგორც თქვა შუამავალმა (ალლაჰის ლოცვა და მშვიდობა მას):

«كُنْتُ نَهَيْتُكُمْ عَنْ زِيَارَةِ الْقُبُورِ، فَرُورُوا بِهَا فَإِنَّهَا تُذَكِّرُكُمْ الْآخِرَةَ.»

«ადრე მე თქვენ აგიკრძალეთ სასაფლავოების მონახულება, ხოლო ახლა მოინახულეთ სასაფლავოები, რადგან ის იმქვეყნიურ ცხოვრებას გაგახსენებთ». თუ მოინახულებს მათ

წარმოთქვამს იმის მსგავს ვედრებას, როგორც სხვა სასაფლაოების მონახულებისას: "მშვიდობა თქვენ, ამ მიწის მკვიდრო, მორწმუნეებო და მუსლიმებო, უეჭველად ჩვენც შემოგიერთდებით, ალლაჰმა შეიწყალოს ჩვენგან წასულნი პირველებიც და უკანასკნელებიც, ღმერთს ვთხოვთ, თქვენთვისაც და ჩვენთვისაც კეთილღობას".

ექვსგარეშეა, რომ სასაფლაოების მონახულების მიზანი არის საიქიოს გახსენება და გარდაცვლილთა სასიკეთოდ მათთვის ვედრების აღვლენა და შუამავლის სუნნაზე მიყოლა (ალლაჰის ლოცვა და მშვიდობა მას). ეს არის შარიათით დადგენილი მონახულების ფორმა და მიზანი.

ხოლო მათი მონახულება იმ მიზნით, რომ სასაფლაოებთან შესრულდეს ვედრება, ან მათი ხათრით და ავტორიტეტით ალლაჰისგან რაიმის თხოვნა, მსგავსი მიზნით მათი მონახულება არის საზიზღარი ბიდათი (სიახლე), რომელიც არც ალლაჰს და არც მის შუამავალს (ალლაჰის ლოცვა და მშვიდობა მას) არ დაუწესებიათ, და არც მართლმორწმუნე წინაპრებს გაუკეთებიათ.

ხოლო მათზე დახმარების თხოვნა, ან ავადმყოფობიდან განკურნების თხოვნა და მსგავსი ქმედებები არის დიდი შირქი (ისლამიდან გამყვანი ქმედება).

მვირფასო მკითხველო, გაჩვენებთ ამ საკითხთან დაკავშირებულ ცრუ გამოგონილ ჰადისებს, რათა იცოდე ისინი, მოერიდო მათ და არ მოსტყუვდე მათით:

პირველი: «ვინც შეასრულა ჰაჯობა და მე არ მომინახულა, ის ჩემს მიმართ თავხედურად მოიქცა».

მეორე: «ვინც მომინახულა გარდაცვალების შემდეგ, თითქოს მან მე მომინახულა სიცოცხლეში».

მესამე: «ვინც მომინახულა მე და მოინახულა მამაჩემი იბრაჰიმი იმავე წელს, მე მას ალლაჰისგან სამოთხის გარანტიას ვაძლევ».

მეოთხე: «ვინც მოინახულა ჩემი საფლავი, ჩემი შუამდგომლობა მისთვის სავალდებულო გახდება».

ეს ჰადისები და სხვა მათი მსგავსი არცერთი არ არის გადმოცემული შუამავლისგან



(ალლაჰის ლოცვა და მშვიდობა მას). ჰააფიზ ალ-ყუაილიმ თქვა: «ამ თავში ამ ჰადისებისგან არცერთი სანდო არ არის». ჰააფიზ იბნ ჰაჯარმა თქვა თავის წიგნში "ათ-თალხის" მას შემდეგ, რაც ამ გადმოცემების უმრავლესობა ახსენა: «გზები, რომლითაც ეს ჰადისი გადმოეცა ყველა სუსტია». ჰაჯობის ან უმრას სუნნადან არ არის შუამავლის მეჩეთის მონახულება, არც მათი შესრულების წინ და არც მათი შესრულების შემდგომ; რადგან შუამავლის მეჩეთის მონახულება ზოგადად მოსაწონი საქციელია; ჰაჯობის ან უმრას შემსრულებელი თუ მას არ მოინახულებს მათი შესრულების დროს მას ცოდვა არ ჩაეთვლება, ჰაჯობა, უმრა და შუამავლის მეჩეთის მონახულება ერთმანეთთან არავითარ კავშირში არაა, არამედ ისინი ყველა დამოუკიდებელი ღვთისმსახურებებია. ვინც შეასრულა ჰაჯობა ან უმრა ის ვალდებული არ არის, რომ მოინახულოს შუამავლის მეჩეთი, ასევე, ვინც მოინახულა შუამავლის მეჩეთი, ის არ არის ვალდებული შეასრულოს ჰაჯობა ან უმრა, ხოლო თუ მას სურს, რომ ჰაჯობა, უმრა და

შუამავლის მეჩეთის მონახულება ერთი მგზავრობის დროს გააერთიანოს, ეს პრობლემას არ წარმოადგენს.

შუამავლის მეჩეთის მონახულებისას დაშვებული შეცდომები:

კედლებზე ხელით შეხება, შუამავლის (ალლაჰის ლოცვა და მშვიდობა მას) საფლავის მონახულებისას რკინის სვეტებზე ხელით შეხება, ფანჯრებზე და სხვა ადგილებში ნაჭრების და თოკების მიბმა ბარაქის მიღების მიზნით და სხვა.

ბარაქა მხოლოდ იმაში, რაც ალლაჰმა და მისმა შუამავალმა (ალლაჰის ლოცვა და მშვიდობა მას) დაადგინეს, და არა სიახლეებში.

სხვადასხვა გამოქვაბულებში წასვლა, მაგალითად, უჰუდის მთაზე, ჰირას და სავრის გამოქვაბულებში მექქაში, იქ ნაჭრების შებმა, ვედრების გაკეთება იქ, რომელზეც ალლაჰს ნებართვა არ მოუცია და ამით ზედმეტი ტვირთის შექმნა.

ეს ყველაფერი არის ბიდათი (სიახლე), რომელსაც არავითარი საფუძველი არ გააჩნია

წმინდა შარიათში.

მონახულება ზოგიერთი იმ ადგილის, სადაც ფიქრობენ, რომ იქ არის შუამავლისგან (ალლაჰის ლოცვა და მშვიდობა მას) დარჩენილი გადმონაშთები, მაგალითად, ადგილი სადაც აქლემი დაიმუხლა, ხათიმის ჭა, უსმანის ჭა, და ამ ადგილებიდან მიწის აღება ბარაქის მოლოდინში.

მკვდრებზე ვედრება სასაფლაოების მონახულებისას, ბაყი'ას სასაფლაოს, უჰუდის შაჰიდების სასაფლაოს მონახულებისას, იქ ფულის გადაგდება, იმის მიზნით, რომ ეს აახლოებს საფლავის მკვიდრთან და მოელიან ბარაქას.

ეს ყველაფერი არის აშკარა შეცდომა, ზოგ შემთხვევაში კი ეს არის დიდი შირქი, როგორც თქვეს სწავლულებმა, ამ ყველაფერზე მიუთითებს ალლაჰის წიგნი და მისი შუამავლის სუნნა (ალლაჰის ლოცვა და მშვიდობა მას); რადგან ღვთისმსახურება მხოლოდ და მხოლოდ ალლაჰს ეკუთვნის და არ შეიძლება თაყვანისცემა სხვისი გულისთვის შესრულდეს,

როგორც ვედრება, მსხვერპლშეწირვა, ფიცი და სხვა. როგორც თქვა ალლაჰმა:

﴿وَمَا أُمْرُوا إِلَّا لِيَعْبُدُوا اللَّهَ مُخْلِصِينَ لَهُ الدِّينَ...﴾ [البينة: ٥].

{მათ არ ბრძანებიათ არაფერი იმის გარდა, რომ ალლაჰისათვის თაყვანი ეცათ გულწრფელად} [ალ-ბაინაჰ : 5].

ხოლო ალლაჰმა უკეთ უწყის! ალლაჰის ლოცვა და მშვიდობა ჩვენ შუამავალს, მის ოჯახს და მის ყველა საკაბას!





# رسالة الحجرات

ორი წმინდა მეჩეთის წერილი

სასწავლო კონტენტი სხვადასხვა ენებზე  
მეჩეთ ალ ჰარამის და შუამავლის  
წმინდა მეჩეთის მნახველებისთვის

